



Ottawa Mission, Ottawa inik odinakonigewinya keh nosiniyamowatc panima tebwewin mamowi koki kidja minobidek

Ottawa Mission, Ottawa ijtcigewin wedi odjinemigan oma nitim anishnabek aki kak kagi mijimendimowatc, pemadizijik nogom kayabitc ka tiniziyatc abomshi wapishkiyeh oma kapi nadagak.

“Kan tigosinon kodik oshmesh keh todik Canadians, oda nditanawa adi eh-ikidinjan anishnaben. Mihiweh ejigabwitc pemadizitc — kidja nigishkik keh siniginik, nangodin agwa keh minotik tebwewini, kidja kinamodizik, kidja nditimik, kidja mamditimik, kidja kendimik, kidja kendimin nigan acitc ehpitendagok.”

LIEUTENANT GENERAL (ISHKWA ODIMTA) ROMEO DALLAIRE

ISHKWIYAK ATSOKEWIN MEGWATC KA KIDIMIYAGINITC ANISHNABEK MAMOWI ANISHNABE MANENDJIGEWIN KI-PONSEH CANADA.

Kagi yedi **ijiyebik agwa mishi ka mosemigik Confederation** apitc 1867;

- ↳ yendik odja **kagi mosehmigik onakonage mizinigan odja Indian Act apitc 1876**, kagi minosenik kagi ojitowatc nigan shimawadjin anishnaben kidja minjogodjan pastinen;
- ↳ yendik odja **kagi ojitowac kinamage migwamni anishnaben odja**, kagi inabidik kidja “*isawadjin anishnaben eh-ija anishnabewindjan*” 150,000 anishnaben kagi madjinawadjan tibi ka ija pi-odisendjan;
- ↳ ima **apitc yedi “Sixties Scoop”**, apitc megwatc amtcigojik mamowi mekodehkoneh ka akoshmawadjan anishnabe abinojishin ka asawadja amitcogojin kidja kinendagizindja koni kineshkeh ija kinenmigodjan;
- ↳ odja **maneh eh-ijanagok manendjigehwin** anishnabek odja mamowi aki, kidja onashtimotc odikiya actic kidja kagwe okitsidowinki iyosehyosh actic odinabidjitowinya;

Ka-ijigabwitc Canada mamowi anishnabek, aptwizik acitc tokolok pemadizindjan apitc ka onashtimowaginitc anishnabe ka ija madizitc, eh-ija tebwetimindjan, ka-odja madjiyotc, odijigijewin, odabakonigewin, odibendimowin mamowi ka odja madjiyatc oma aki kak.

KAPI IJINAGOK KWEKIBINGOWI AGWA DISH KI NDENDIMOWIN MAMOWI ANISHNABE MANENDJIGEWIN KAN YOK AJI TIGOSINON MANENDJIGEWIN OMA CANADA.

Odi **kinoweh odja maneh** odja:

- kan manehsinon odimtawin
- kidimagiziwin
- agwa awik omigwamitc
- awik ka kibowaginitc
- abinojish ka mikidenanok
- migadwin

↳ ijiseh **kidimaginagon akozowin**, mamowi dish;

- kitchi akozowin
- mindjosh akozowin
- awik ka akozitc oshtigwan
- ka nita kiyoshkwebitc
- nisidizowin

↳ mamowi dish **kan tibiseh widokaginisiyok**;

ijtcigewin wedi kiyabitc mah kidimagiziyok anishnabek, aptwizik mamowi tokolok pemadizidjik, kina oma Canada okitkimik nogom.

Tedigo kitchi migwetc nidinanan Anishnabek ka inowegiziyatc minigik kapi minidodagowik megwatc eh-widja odimtamayik kidja widokowayik ka midowtondjan winwadish odikiya kak.

Weshkitc oma kipi tinitok anishnabe pemadizidjik nogom ka ijinkadimik Canada. Ottawa Mission, Ottawa odijtcigewinya ogokitsidon anishnaben, tokolokan mamowi aptwizin oma nitim eh ayak kegon kidji ikiditc acitc eh ayaminjin inakonigewini ka nosiniyamowatc oma okitkimik.

Megwatc Ottawa eh-ija kehtehyomigik acitc modja mishak kidimagizi migwamik mamowi nanda kagi pi pidiksidjigadek odimata migwamik kewinwa kiwidokaziyok weni ijtcikewini, **Ottawa Mission, Ottawa kawi ijtcigeyatc wabidanawa weni minigik eh-todjigemigik kidji gwe onishmadjan maneh nitim oma anishnaben, aptwizin mamowi tokolokan kan ndendiminjin widokazowini.**

Ottawa Mission, Ottawa ijtcigeyok odatonawa ijtcigewini kidja nagonik mishkwiziwini mamowi midjimendimowin odja nitim oma anishnabek, tokolokin mamowi aptwizi pemadizidjik, atcigadeh eh-ija mino witckiyemidowatc anishnabek mamowi wabishkiyeh, ija nisistagon apitc.

tebwewin, minidodadiwik mamowi pejigon nisistimowin

odja pejigon ishkwiyak kida atsokan nan kidja pejigo odemidowik Namwayut ka ijagabwimigak*

(kakina pejigon kidijinagozimin).



*“Namwayut” ka ikidinanok odisehmigan Kwak’wala, ikidomigan “kakina awik pejigon kida ijanagozimin”. “miya ka tcinemdiyatc” odjinemigan wedi tebwetimowin, tijike-migan okitkimik kidja mamowi widjidiyemodowikacitc kidja gweshtowik kidja minobidek kina awik odja, awesisik, ka madzimigik mamowi gotc pejigon kina kegon oma okitkimik. Mihi eh-ijanagok ka ija tebwetik kakina kidja kenda-gonik anishnabe pemadizidjik odishtcigewin mamowi gotc minigik ehpitendagok mamowi widjidiyemodowin acitc eh-ija minowashinik nisistadwini wapishkiyeh mamowi anishnabe pemadizidjik odja.

“Nisonon minigik tigon kidja koki wewenda ijtcigetc awik: kendin, nisistin, mamowi ijtcigen.” JODY WILSON-RAYBOULD

OTTAWA PEMADIZIDJIK WI NAKTONAWA EH MOSEYATC WENI MIKAN NI KOKI KINA AWIK KIDJA MINOGABWINANOK MAMOWI ANISHNABEK APTWIZIK MAMOWI TOKOLOK PEMADIZIDJIK, KIDJA MAMOWI WIDOKIDADIYATC:

Kidja peshotc kijigabidjigadek acitc kidja nanagidjtcigadek ki-dishtcigewin nan

kidja nanagidjitowik kina agwa ka anishnabewiyatc odimtawinik, widokazwinik mamowi ka widja odimtamayik **kidja kinamowaginiyatc agwa kidja manendjigeyatc, kidja mino gabwitc kina pemadizidjik mamowi eh ija tebwetimindjan** kakina gotc anishnabe ka widokowayik, odimtawinik ka widokaziyatc mamowi ka ija widja odimtadowik, kidja mino ndendagoziyatc, agwa kidja segiyendik acitc kidja odapinayik eh ija gabwiyatc dish.



Tebwewin abijiton

Canada eh-ijagabwitc anishnaben mamowi.



Nda kendin acitc tibadjimon minigik eh-kagweshtowik wedi etsa nigobok

kidja nanagidjitowik eh-ija minosek acitc kidja maminsidowik kegon agwa ka minobidek ndendagok.



Tibadjimon eh-ijagabwitc pemadizidjik

kidja atowin ima pejigon eh ijanagozitc awik ka kidimagizitc agwa migwam tibisek anishnabe odja, aptwizi mamowi tokolok pemadizidjik, kagweshton kidja meshkodijsek wedi.



Manehmigan widokodadowin minobiwin, mino minowashik acitc tibisewin migwamin

odja nitim oma anishnabe pemadizidjik, aptwizik mamowi tokolokan kidja tibadjidowadjan acitc mamowi kidkazowini kidja ateh nik.

